

մեք յուսով մեծաւ մնամք ողջոյն ազգաւ ազգին կենաց
Ձերոց և վասն բոլոր պալատի Ձերում օգոստոս ինք-
նակալ Ձերոց Բարձրագոյն Կայսերութեան

Խոնարհ ծառայ և Աղօթարար կաթողիկոս ա-
մենայն Հայոց և Ծայրագոյն Պատրիարք Արարա-
տեան Աթոռոյն Սրբոյ Էջմիածնի ԴԱՆԻԷԼ:

Օրինակ հասցէի սոյն մուսավատիս

Հորին կայսերական մեծութեան ինքնակալին Քրանցայու եւ
գրալի Իգալիոյ օգոստոսիաւ Մեծ Հապօլիօն ամենաողորմած թա-
գաւորի մերում

Ամենափառաւոր պալատն իւրոյ կայսերական բարձրութեան:

ԴԱՆԻԷԼ ԿԱԹՈՒՂՈՍԻԿՈՍԻ ԳՐՈՒԹՒՒՆԸ ԳԵՐՄ. ՓՐԱՆՑ Գ. ԿԱՅՍԵՐ

Ա.

Առ կայսրն Գերմանացոց խնդիր վասն հրովար-
տակի, զի քաց յայնցանէ, որք ունիցին զգիր ի պատ-
րիարգէն Արարատեան, այլ ոք ի կարգաւորաց, մի՛ կա-
րող լիցի մտանել ի մէջ Հայոց եղելոց ի սահմանս տէ-
րութեան իւրոյ:

Ամենալուսաւիայլ տիրող ինքնակալ հզօր կայսր
Հոսմայ եւ Գերմանիոյ Փրանց երրորդ:

Ամենողորմած թագաւոր և պաշտպան հաւատացելոց
Աղօթարար անգին կենացդ և

Յիսուսի Քրիստոսի ծառայ Դանիէլ Կաթողիկոս ա-
մենայն Հայոց և Ծայրագոյն Պատրիարք Արարատեան
Աթոռոյ Սուրբ Էջմիածնի ամենախոնարհ երկրպագու-
թեամբ զլիաբերան օրհնութիւնս հանդերձ Յիսուսա-
ւանդ ողջունիւ Ձեզ մատուցանեմք:

Սէր և խնամակալութիւն Կայսերաց Հռոմէացոց
առ Թագաւորս և առ Քահանայապետս և առ ամենայն

Հասարակութիւն ազգի հայոց տարածեալ առատութեամբ յաւիտենից ժամանակաց լիշատակադրութեամբ նախնեաց մերոց՝ այսօր ևս ներգործէ առ ամենայն ազգս Հայոց զմեծ մխիթարութիւն:

Այլ քանզի օր ըստ օրէ տիրեաց անբաղդութիւնն ի վերայ ամենայնի Հայրենեաց մերոց բարձաւ թագաւորական ճոխութիւն. մատնեցաւ Քահանայապետութիւն անտանելի տառապանս ընդ բռնութեամբ բարբարոսաց և ցրուեցաւ ամենայն Ազգն հայոց լերեսս ամենայն երկրի իբրև զոչխարս որոց ոչ իցէ հովիւ, պակասեցաւ ամենայն մխիթարութիւն ամենայն հասարակութեան հոգևորականաց և մարմնաւորականաց Հայոց մինչև իսպառ և եղաք առ հասարակ ըստ մարգարէին բանի որպէս՝ մեռեալ յաւիտենից և որպէս զանօթ կորուսեալ մոռացեալ ի սրտէ ամենայն մեծաց և փոքունց բարերարաց Հարց մերոց:

Այլ գահանամք զԱստուծոյ, զի որպէս զերիս մանկունս ի մէջ զգալի հրոյն Բաբելոնի, որպէս և զմանկունս եկեղեցւոյ Հայաստանեայց ի մէջ իմանալի հրոյն բարբարոսական բռնութեանց պահպանէ մինչև ցայսօր ուղղափառ խոստովանութեամբ սուրբ Աստուածութեան իւրոյ:

Շնորհ ունիմք և զմեծ ողորմութենէ Ամենողորմած Աթոռոյ Աստուածագութ Նայսերութեան ամենայն ռուսաց, զի ի հարիւրաւոր ամաց հետէ յատուկ մարգասիրութեամբ հայեցեալ առ ամենայն անայցելու ազգն Հայոց յաւել ամենայն հոգևորականաց և մարմնաւորականաց զմեծ ասպահովութիւն:

Ի ձեռն ամենողորմած հրովարտակի յուսադրեալ զկաթուղիկոսն ամենայն Հայոց և զիշխանս և զքաջագունս և զազնուազգիս և զամենայն ազգն հայոց ունիլ ի ներքոյ բարձրագոյն խնամոց և հովանաւորութեան

իւրոյ և զամենայն ազգն Հայոց եղեալ ի տէրութեան իւրում՝ դաւանութեամբ սուրբ Լուսաւորչին Հայաստանեայց մեծի Գրիգորի Պարթևի յանձնելով ի ներքոյ կարգադրութեան Արարատեան Աթոռոյ կաթողիկոսին՝ ամենայն Հայոց հոգևորական կանոնաւ և եկեղեցական կարգաւ տարածեաց առ ամենայն կուսակալս սահմանաց տէրութեան իւրոյ զլատով հրովարտակ, ոչ ընդունել ի ներքս ի սահմանս (տէրութեան իւրոյ) ուստաց զոք ի կարգաւորաց Հայոց որպիսի և իցէ աստիճանաւ առանց վկայական գրոյ Արարատեան կաթողիկոսին և այդպէս շնորհեաց ամենայն Հայոց մերձաւորաց զմեծ խաղաղութիւն և հեռաւորաց զմեծագոյն մխիթարութիւն:

Առաւելապէս մխիթարեալ լինիմք զի և ամենողորմած հովանաւորութիւն Աթոռոյ սուրբ կայսերութեան Ձերոյ տարածեալ նոյնպէս ի վերայ Հայոց եղելոց ի սահմանս հզօր տէրութեան Ձերոյ ի Աչով քաղաք և յալլ և ալլ տեղիս ապահովացուցեալէ զնոսս ոչ սակաւ:

Բայց սակայն այս 30 ամ լինի յորմէ հետէ չէ եղեալ ի նոսս այցելութիւն Արարատեան Աթոռոյն և Կաթողիկոսին ամենայն Հայոց և չէ հանդիպեալ ի մէջ նոցա եպիսկոպոս կամ վարդապետ Քարոզիչ և վերատեսուչ հաւատոյ և եկեղեցական կարգաց և չեն ունեցեալ զիմաստուն քահանայ կամ օրէնսգէտ ուսուցիչ առ որբազում ինչ պակասեալ է ի նոսս յուղղութենէ կարգաց և կանոնաց եկեղեցւոյ Հայաստանեայց և բազում տգիտութիւն ևս ունակացեալ ի մէջ ողորմելի ժողովրդեան մերում:

Այլ և ի վերայ այնորիկ յամի 1807 յամսեանն օգոստոսի սուտ եպիսկոպոս մի Գրիգոր անուն, որ վասն լինելոյ իւրոյ մատնիչ Արարատեան Աթոռոյն և խանգարիչ բարեկարգութեան Հայրենի ազգին արգելեալ յա-

մենայն հոգևորականաց պաշտօնէ արտաքսեալ կայր յեկեղեցւոյ դատաստանաւ ժողովոյ բազում Արքեպիսկոպոսաց, եպիսկոպոսաց, վարդապետաց և յաւագ երիցանց հարիւրաւորաց ի գլուխս 30 ամաց մտեալ առ նոսա խաբէութեամբ, պաշտեալ է ի Սշով քաղաք զպաշտօն եպիսկոպոսութեան և սերմանեալ է անդէն զբազում տարաձայնութիւնս և զայլ թակղութիւնս:

Վասնորոյ կոչեցեալ մեք հովիւ և կաթողիկոս ամենայն Հայոց ի ծունկս անկեալ առաջի կամենողորմած Աթոռոյ Զերոյ, խնդրեմք ամենախոնարհաբար զի թէ գտցէ շնորհս առաջի սուրբ կայսրութեան Զերոյ եղիցի Հայաստանեայց ժողովուրդ սրբոյն Դրիգորի մեծի Պարթևի, մի խնայեսցիք զբարերարութիւն Աթոռոյ սուրբ կայսրութեան Զերոյ ՚ի հոգւոց և ՚ի մարմնոց հոգևորականաց և մարմնաւորականաց: Հայոց ապաւինելոց ի հովանաւորութիւն մեծաշուք հօր թեւոց Զերոց, ալլ գլխացեալ Աստուածաբար մարդասիրութեամբ զբարերարութիւն նախնի կայսերաց Հռոմայեցւոց առ ազգն Հայոց կրկին նորոգեսցիք, և համաձայն Նորին Կ. Մ. ամենայն ռուսաց ամենողորմածաբար բարեհաճեսցիք կարկառել զմեծ ողորմութիւն Զեր առ ամենեսին և յանձնել ի ներքոյ կարգադրութեան Արարատեան Աթոռոյ կաթողիկոսին ամենայն Հայոց հոգևորական կանոնօք, և եկեղեցական կարգօք զազգն Հայոց եղեալս ի տէրութեան Զերում գաւանդութեամբ սուրբ եկեղեցւոյ Հայաստանեայց և հրամայել սահմանակալացն զի առանց վկայական գրոյ կաթողիկոսին Արարատեան Աթոռոյ մի ոք ՚ի հոգևորականաց հայոց ունողաց զգաւանդութիւն եկեղեցւոյ Հայաստանեայց ընկալցին ՚ի ներքս ՚ի սահմանս սուրբ կայսրութեան Զերոյ և շնորհել նոյնպէս զբարձր հրաման մեծ հրովարտակ հաստատեալ մեծ կնքով ամենօգոստոսափառ կայսրութեան Զերոյ առ ի պահպանել ի Տաճարի Աթոռ

ույ Արարատեան վասն յաւիտենական լիշատակի ողորմութեան և բարեհաճութեան Զերոյ:

Ողջ լեր Ամենողորմած Օգոստոս կայսր և ողորմութեամբ Աստուծոյ երկնաւորի եղիցին աւուրք Զեր իբրև զաւուրս երկնից:

Ամենողորմած թագաւոր Զերոյ կայսերական բարձրութեան խոնարհ ծառայ և Աղօթարար
Դսմիէյ Կաթողիկոս ամենայն հայոց

Յամի 1808 յամենն...

Ի Սուրբ Էջմիածին
Աթոռն Արարատեան

Որովհետև երկու կերպ էին գրեալ վասն գրելոյ առ կայսրն Գերմանացւոց մեք ևս առաջինն ըստ մի կերպին առաջարկելոյ նոցա գրեցաք նոյնպէս ընդ երկար և միւս ևս ըստ միւսում կերպին գրեցաք ի ներքոյ ահա զերկուսինն ևս յղեցաք առ Եփրեմ Աբեպիսկոպոս Առաջնորդն Ռուսաստանու Հայոց զի զորն եւս կամեցի զայն յատուցէ:

Բ.

Դարձեալ նորին կայսերական մեծութեան վասն առաջնորդ կարգելոյ զԵփրեմ սրբազան արքեպիսկոպոսն առաջնորդն Ռուսաստանի հայոց:

Կարող եւ Բարձր Ինքնակալ կայսր Հոռմայ եւ թագաւոր Գերմանիոյ Փրանց երրորդ

Ամենողորմած Հովանի եկեղեցւոյ Քրիստոսի

Աղօթարար Զեր և

Յիսուսի Քրիստոսի ծառայ և ալին... Քսիստոսական ողջոյն և բազմապատիկ օրհնութիւն նուիրեմ խոնարհ երկրպագութեամբ:

Յայտնի է ինքնին իսկ, զի որպէս ոչ ուղիղ ընթանայ նաւ առանց հմուտ նաւավարի, նոյնպէս և ոչ եկեղեցին Աստուծոյ կարէ ունիլ ուղիղ կառավարութիւն առանց օրէնսդէտ հանճարեղ առաջնորդի:

Վասնորոյ քանզի այս 30 ամ առանց վերատեսչութեան է եկեղեցի Հայոց որք գտանին ի ներքոյ հովանաւորութեան Ամենաբարեպաշտ սուրբ կայսրութեան Ձերոյ ի քաղաքն Սչով զի մինչ իսպառ տիրեցին մեզ մեղք, յաղաքս ամենեկին անփոյթ լինելոյ վասն նոցա հարկադրեալ եղէ այժմ կացուցանել նոցա առաջնորդ զփոխանորդն իմ և զառաջնորդն ամենայն հայոց ռուսաստանու գերապատիւ Եփրեմ սրբազան Արքեպիսկոպոսն, որ գլխաւորագոյնն է ամենայն հոգեւորականաց Հայոց և մերովս կաթողիկոսական կոնդակաւ յանձնեցաք նմա զհոգեւորական վերատեսչութիւն ամենայն ազգին Հայոց որք գտանիցին ի ներքոյ լայնածաւալ հովանաւորութեան Ձերոյ դաւանութեամբ եկեղեցւոյ Հայաստանեայց:

Խնդրեմ ամենախոնարհաբար, զի և Ձերդ կայսերական բարձրութիւն ամենողորմածաբար բարեհաճեցիք շնորհեսցիք լիշեալ փոխանորդին մերում զբարձրահրաման հրովարտակ զի համարձակ վարելոյ զամենայն գործս հոգեւորականս և եկեղեցականս պատկանեալս առաջնորդութեան իւրոյ ըստ կանոնաց եկեղեցւոյ Հայաստանեայց, եւ հրամայել ամենայն կայսերական կառավարչաց և վերակացուաց ձեռնտու լինիլ նմա և առ ի նմանէ կարգեալ գործավարացն, յորժամ խնդիր լիցի ի նոցանէ առ ինքեանս ի պատահմունս կարեւորացն որք վերաբերեցին առ հոգեւորական կառավարութիւն:

Արդարեւ շնորհ մեծ առնես, որով՞ և զբոյր եկեղեցի Հայաստանեայց պարտաւորեսցես ամենողորմած Աթոռոյ սուրբ կայսրութեան Ձերոյ մինչև յաւիտեան:

Ողջ լիբ օծեալդ Աստուծոյ օգոստոս ինքնակալ և որ էօծն Ձեզ պահպանեսցէ զթագաւորութիւն Ձեր անվախճան:

Ողորմած թագաւոր Ձերոյ կայսերական

բարձրութեան ամենախոնարհ ծառայ և ա-
աղօթարար

Դամիէի կաթողիկոս ամենայն հայոց

Յամի Տեառն 1808

Յամիւնն յուլիսի... աւուրն

ՂԱթոռն ամենայն Հայոց

Ի Սուրբ Էջմիածին,

որ ՂԱթարատ

ԱՆՐԱՊԵՏՈՒԹՅԱՆ ԻՍՏԻՏՈՒՏԻ ԳՐՈՒԹԻՒՆԸ ՆԱԳՈ- ԼԷՈՆ ՄԵԾԻՆ

Մեծ Նապօլիոն խաչապսակ ինքնակալ կայսր
սիրող ըարեւալաշտութեան

Ամենողորմած թագաւոր և պաշտպան Հաւատացելոց

Շնորհք և ողորմութիւն և բարերար ակնարկու-
թիւն կայսերաց գաղիացւոց ի ժամանակս լառաջինս ե-
ղեալս է առ թագաւորս առ Քահանայապետս և առ
բոլոր ազգն Հայոց յոյժ առատութեամբ զորոյ լաւ ևս
քան զմեզ կարող էք գիտել ի նախնեաց պատմութեանց:

Բայց յօրէ վերջանալոյ թագաւորական ճոխութեան
Հայոց մինչև ցայսօր ժամանակի, թէպէտ ջերմեռան-
դութիւն սիրոյ Քահանայապետաց և Ազգի Հայոց կալ
մնայ նոյնպէս Հաստատուն կերպիւ, այլ պսակ ջերմե-
ռանդութեան նոցին նշան քաղցր ակնարկութեանց տի-
եզերակալաց Գաղիացւոց, նաև գիր ողորմութեան ան-
գամ բոլորապէս վերջացեալ. կարօտ եմք ազգովին և
Համարիմք մեզ այն անբաղդութիւն ի վերայ անբաղ-
դութեանց:

Առիթ ցնծութեան եղև բազմավիշտ Հոգեւորակա-
նացս և Արարատեան Աթոռոյն Էջմիածնի մինչ յամն
1804, լուր եհաս յականջս մեր, թէ գիր ողորմութեան
Ձերոյ կայսերական բարերութեան ունիմք ստանալ. այլ